

Informasjon til nye elevar ved skulen

Kjære ungdomar

Informasjon til nye elevar ved skulen

Kjære ungdomar

Velkomne til nytt skuleår, og særleg velkomen til deg som er ny på Firda denne hausten.

Vi gler oss til å bli kjent med deg.

Vi ynskjer også alle vg2 og vg3 elevar velkomne tilbake.

Å starte på ny skule er både utfordrande og spennande. Du skal jobbe med nye fag, du vil få nye lærarar og ikkje minst du får sjansen til å bli kjent med mange nye ungdomar. Firda har i alle år hatt elevar frå store deler av fylket. Det synest vi er veldig kjekt, og mange vil knyte venskapsband som varer livet ut!

Eit godt skulemiljø er eit varemerke for Firda vgs og vi brukar tid og merksemd på å legge til rette for at de som er elevar her, skal ha gode dagar både på skulen og etter skuletid. Å skape eit trygt og godt skulemiljø er eit lagarbeid der alle er med og bidreg, velkomen til å bli med på dette laget.

På heimesida vår finn du nyttig informasjon om skulen og skuleåret. Det er ein god ide å bruke litt tid på heimesida og på den måten gjere seg kjent med skulen og kva som skal skje gjennom skuleåret.

Eg vil ynskje alle hjarteleg velkomne til fyrste skuledag hausten 25. Vi startar skuleåret med **samling for alle i kultursalen måndag 18.08 kl 08.30**

For nye elevar ved Firda denne hausten, inviterer vi deg og føresette til **omvising på skulen søndag 17.08 kl 17.**

Tips til første skuledag: Ha med hengelås og finn eit ledig bokskap v/klasserommet.

Helsing Tove Hanne Ommedal

Rektor Firda vgs

Praktisk informasjon

Her finn de oversikt over viktig informasjon og diverse skjema de må fylle ut:

Søk Lånekassen om stipend/lån: <https://lanekassen.no/nn-NO/>

- Alle som går på vidaregåande skule har rett på utstyrsstipend. Summen vil variere avhengig av kva utdanningsprogram du skal gå på.
- Har foreldra dine svært låg inntekt, kan du ha rett til meir stipend.
- Hybelbuarar med over 40 km reiseveg, eller reisetid på meir enn 3 timar om dagen, eller andre særlege årsaker til at dei ikkje kan bu heime, har rett på bortebruarstipend.
- Du kan søke om stipend/lån no. Lånekassen behandler saka så snart du har fått bekrefta skule plass.

Avtale om lån av læremiddel / lærebøker:

https://skjema.vlfk.no/opplaering/person/lanekontrakt_elev

- Du kan låne bøker til utdanninga di på vidaregåande skule gratis. Dette krev at du signerer på ein låneavtale med fylkeskommunen.
- Dersom elev er under 18 år, må også føresett signere på avtalen.
- Klikk på lenke og *elev* loggar seg inn med bank-id, les gjennom avtalen og signerer digitalt.
- Når elev har signert, vil det gå ein sms til telefonnummeret til den føresette, eleven har oppgjeve under si signering. Sms vil innehalde ei lenke. Den føresette må klikke på lenka, logge seg inn med bank-id og signere avtalen digitalt.

Lenke til bestilling av elev-pc: [Elev-PC - Vestland fylkeskommune](#)

- Tilbudet gjeld kun for vg 1 -elevar. Du vil difor ikkje få tilbud om kjøp av elev-pc med rabattert pris gjennom fylkeskommunen i vg 2 eller vg 3.
- Ved bestilling er det *elev* som må logge seg inn for å bestille. Dersom andre enn vg1-elev med bekrefta skuleplass loggar seg inn, vil ikkje bestillinga bli godkjent.

Lenke til samtykkeskjema for bilder:

https://skjema.vlfk.no/opplaering/person/samtykke_bilde

- *Elev* loggar seg inn med bank-id for å signere.

Elevar med rett til skuleskyss må bestille dette her:

[Velkommen til Skyss Elev! - Skyss Elev](#)

- Elevar som skal ha skuleskyss, må bestille dette via lenka og laste ned appen **Skyss billett** på mobilen sin. Dette erstattar tidlegare skuleskysskort.
- Dette gjeld også elevar på vg 2 og vg 3., då abonnementet vert deaktivert i sommarferien.

For elevar på Idrettsfag

- Elevar som skal starte på idrettsfag bør nytte sommaren til å førebu seg på ein kvardag med mykje trening. Legg eit godt grunnlag med trening i sommar, slik at ikkje overgangen blir for stor når de startar opp til hausten med stor treningsmengde.
- Det kjem ein overnattingstur i løpet av dei fyrste vekene. Om du er hybelbuar er det lurt å ta med seg sovepose, liggeunderlag og turkle til skulestart. Har du sykkel er det fint om du tar med den også. Du må og ha gode innesko til bruk i hallen og gode løpesko til bruk ute.
- Som elev på idrettsfag får du utvida utstyrsstipend.

Hybel

Skulen har tidlegare forsøkt å administrere ei liste over tilgjengelege hyblar. No går det meste av annonsering kring hyblar føre seg på Facebook og det er vanskeleg for skulen å halde ei oppdatert liste, spesielt under ferieavvikling. Vi anbefaler difor alle som er på jakt etter hybel å nytte seg av facebookgruppa "[Kjøp, salg, gie vekk i Gloppen](#)". Her kan du finne hyblar som er lagt ut for utleige og/eller du kan legge ut eigen annonse.

Open skule

Open skule er eit viktig tilbod ved Firda vgs. Gjennom open skule ynskjer vi å legge til rette for sosiale møteplassar både på skulen og utanom vanleg skuletid. Det er eit lavterskel tilbod med mat, aktivitetar og prat. Dette skal vere ein sosial arena for trivsel og godt skulemiljø. Open skule lokala finn du i kjellaren i A-bygget. Plan for kva som skjer på Open skule den fyrste veka blir lagt ut på skulen si heimeside før skulestart.